

*bænda*  
FERÐIR

## AÐVENTUGLEÐI Í TRÍER



**2. – 9. desember 2022**

**Fararstjórn: Inga S. Ragnarsdóttir**

Aðventuferð  
Þýskaland

## Ferðalýsing

Aðventutöfrar og hrífandi áfangastaðir er það sem við upplifum í þessari glæsilegu ferð um **Móseldalinn**. Hin söguríka borg Rómverja, Tríer, elsta borg Þýskalands, lætur engan ósnortinn. Hún er rík af fornminjum og skartar jafnan sínu fegursta á aðventunni. Ljómi aðventunnar og ilmurinn af glöggi kemur okkur í jólastemningu í heillandi dagsferðum frá Tríer, m.a. til bæjarins **Bernkastel-Kues** sem hefur verið kallaður andlit Móseldalsins og er rómaður fyrir falleg bindingsverkshús og miðaldablæ. **Cochem** er með fallegri bæjum við ána en hann státar af fögrum kastala sem gnæfir sem kóróna yfir bænum og dásamlegum jólamarkaði. Mikið er um dýrðir í **Rüdesheim**, yndislegum bæ við ána Rín sem er á heimsminjaskrá UNESCO, og þar skoðum við hinn svonefnda jólamarkað þjóðanna. Aðventublærinn umvefur okkur í vínbænum **Traben-Trarbach** við ána Mósél en þar upplifum við sérstakan jólamarkað í fyrrum vínkjallara frá 16. öld sem er einsdæmi. Einnig verður farið í töfrandi aðventusiglingu á Mósél og hin glæsilega borg **Koblenz** sótt heim en hún stendur við ármót Mósél og Rín. Koblenz státar af einum fallegasta jólamarkaði Móseldalsins.

8 dagar | 7 nætur í Tríer



### 2. desember | Flug til Frankfurt & Tríer

Brottför frá Keflavík kl. 7:25. Mæting í Leifsstöð u.þ.b. 2,5 klst. fyrir brottför. Lending í Frankfurt kl. 12:00 að staðartíma. Þaðan er ekin fögur leið til Tríer, elstu borgar Þýskalands. Þar verður gíst í sjö nætur á góðu hóteli í miðbænum. Hótelið býður upp á heilsurækt í rómverskum stíl með sánu, rómversku gufubaði og legubekkjum til að slaka á eftir eril dagsins.

### 3. desember | Aðventudýrð í Bernkastel-Kues & Cochem

Aðventudýrðin, rómantíkin og náttúrufegurðin láta engan ósnortinn í Móseldalnum á leið okkar til bæjarins Bernkastel-Kues. Hann er perla Móseldalsins, rómaður fyrir falleg bindingsverkshús og töfrandi blæ miðalda. Hér gefum við okkur góðan tíma og njótum aðventunnar í þessum einstaka jólabæ. Enginn sem á ferð um dalinn á aðventunni skal láta jólamarkaðinn í Cochem fram hjá sér fara. Bærinn er með þeim fallegri við ána með glæsilegan kastala sem gnæfir yfir bæinn og setur mikinn svip á staðinn.



#### 4. desember | Skoðunarferð um Trír & frjáls tími

Aðventutöfrar borgarinnar dyljast engum í spennandi skoðunarferð dagsins. Eftir góðan morgunverð skoðum við þessa elstu borg Þýskalands. Þar er að finna mjög merkilegar minjar frá tímum Rómverja en þeir stofnuðu borg sem þeir nefndu Augusta Treverorum árið 18-17 f. Kr. Hér er margt að sjá, töfrandi kirkjur, glæstar barokkbyggingar og ekki má gleyma borgarhlíðinu, Porta Nigra frá árinu 17 e. Kr. sem er tákn borgarinnar. Skoðunarferðinni lýkur á aðaljólamarkaði borgarinnar og er upplagt að fá sér þar jólaglög og ristaðar möndlur en ilmur þeirra svífur um loftin. Nú gefst frjáls tími til að skoða borgina á eigin vegum, röltu um verslunargötur og líta inn til kaupmanna borgarinnar sem eru fjölmargir. Upplagt að enda daginn á heilsulind hótelsins fyrir kvöldverð.

#### 5. desember | Jólstemning í Rüdeshaim

Rüdeshaim er hinn sanni jólabær við Rín sem alltaf er yndislegt að heimsækja. Við ökum til Bingen þar sem farið er með ferju yfir til Rüdeshaim, eins vinsælasta ferðamannabæjar Rínardalsins. Í hjarta borgarinnar er hinn skemmtilegi jólamarkaður Þjóðanna en þar er hægt að versla fallegar gjafavörur og fylgjast með hvernig handverk frá hinum ýmsu Þjóðum er unnið. Mikil jólstemning er um allan bæ og upplagt að ylja sér við jólaglög og njóta lífsins.



#### 6. desember | Dásemdardagur í Koblenz



Einn fallegasti jólamarkaður Móseldalsins er í borginni Koblenz og einkennist hann af yfir hundrað skreyttum smáhýsum. Borgin stendur við ármót Mósél og Rín og þar sem árnar renna saman heitir Deutsches Eck eða Þýska hornið og er oft nefnt fallegasta horn Þýskalands. Við förum í töfrandi skoðunarferð um þessa sögufrægu, rúmlega 2000 ára gömlu borg, Koblenz. Gaman er að skoða

gamla miðaldabæinn sem þrýddur er glæstum byggingum, fallegum kirkjum, þröngum litlum götum og gömlum bindingsverkshúsum. Eftir skoðunarferð gefst frjáls tími til að kanna borgina á eigin vegum, röltu um gömul stræti og torg og ekki má láta dýrð jólamarkaðsins fram hjá sér fara.

#### 7. desember | Rólegur dagur í Trír

Rólegur dagur er á dagskrá okkar og því er upplagt að njóta þess að vera í Trír og skoða borgina betur á eigin vegum. Hægt er að röltu um verslunargötur og fara í skemmtilega vínsmökkun sem er víða í boði og hér má einnig heimsækja jólamarkaði borgarinnar. Einnig er upplagt að nota glæsilega heilsulind hótelsins.



## 8. desember | Traben Trarbach & aðventusigling á Mósél

Vínbærinn Traben-Trarbach við ána Mósél er vel þekktur en hann heimsækjum við í dag. Hér upplifum við sérstakan jólamarkað sem er einsdæmi við ána. Sá kallast vín- og jólamarkaður Mósél og er neðanjarðar undir bænum og þar upplifum við ótrúlega stemningu en kjallarinn sjálfur er frá 16. öld. Þótt vín leiki ákveðið hlutverk þá er þema markaðarins menning og hér ber marga fallegt fyrir augu, handverk, hugmyndir að jólagjöfum, antíkmarkaður, tískufatnaður og skart. Eftir góðan tíma verður farið í töfrandi siglingu þar sem boðið er upp á jólaglögg og jólastollen sem er ávaxtabrauð og tilheyrir aðventunni í Þýskalandi.



## 9. desember | Kveðjustund & heimferð

Það er komið að heimferð. Við ökum til Frankfurt en brottför þaðan er kl. 13:05. Lent í Keflavík kl. 15:40 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.

### Verð

**244.800 kr. á mann í tvíbýli** | 46.900 kr. aukagjald fyrir einbýli.

### Innifalið

- ✓ Flug með Icelandair og flugvallaskattar.
- ✓ Gisting í 2ja manna herbergi með baði.
- ✓ Morgun- og kvöldverður á hótelum.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.

### Ekki innifalið

- ✓ Aðgangseyrir inn í söfn, hallir og kirkjur.
- ✓ Siglingar, vínsmökkun og kláfar.
- ✓ Hádegisverðir.
- ✓ Þjóf fé.

### Valfrjálst

- ✓ Aðventusigling á Mósél ca € 18.

